



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

eat of most voraciouſly, and, for ſeveral Days after, ſhe was very wild and ungovernable, which made me never afterwards try her with raw Fleſh. I am apt likewiſe to believe, their ordinary Dens or Habitations are under Ground in ſandy Banks, like our Rabbits; for when ſhe was brought to the Fields, ſhe would dig up the Sands with her Paws, with an incredible Swiftneſs, ſo that had ſhe not been chain'd, there had been no Poſſibility of recovering her.

GEORGE MACKENZIE.

---

II. *Imber Calculorum inter aquarum Pyrmontanarum uſum, in Viro, nunquam antehac calculum experto, ac alias perfecte ſano, ſubſequenti poſtea miſctu cruento, tandemque veſicæ ulcere. Communicante Viro Clariffimo Abrahamo Vaterno, M. D. Anat. & Botan. Prof. Wittemb. R. S. S.*

**N**obilis Pomeranus, ſanus ac vegetus, uti ipſe de ſe refert, nulliusque mali ſibi conſcius, ante hos tres annos, ſuaſu amici, converſationis cauſa, focium ſe ipſi adjunxit, in bibendis aquis medicatis *Pyrmontanis*. Factum autem eſt, ut, cum potando aliquot dies tranſegiffet, calculos quorſdam minores, abſque ullo quidem dolore, excludi inter mingendum ſentiret. Effectum hunc criticum eſſe ſibi perſuadens noſter, aquas iſtas aucta doſi bibere incipit, quo facto, quatuor vel quinque

que dierum spatio, ultra quadraginta calculi, rursus tamen sine molestia, exierunt. Hoc viso, strenuè & alacriter potare continuat, optimum hujus curæ effectum sibi promittens. Assumpta vero ita nimia aquæ quantitate, urina supprimitur, adeo, ut ne minimam ejus portionem per tres dies emittere potuerit, usque dum catheteris ope via aperiretur. Commonefactus itaque à Medicis, ab usu aquarum ulteriori abstinuit, remota peractam esse credens. Non ita multo post, vir iste iter faciens, continuo mingendi conatu laceffit, ac iterum iterumque ex rheda descendere cogitur, tandemque inter gravissimos dolores sanguinem purum effundit. Duravit mictus cruentus & dolorosus, quamdiu æger in itinere constitutus fuit, postquam vero hic, domum reversus, quieti studuit, statim cessavit, nec quicquam doloris remansit. Quoties vero ab illo tempore sive rheda, sive equo veheretur noster, rediit dolor, & sanguis cum urina secessit, sed quiete restituta, iterum evanuit, nullo planè dolore superstitè. Contigit quidem interdum, ut calculus unus vel alter prodiret, rarius tamen hoc factum est, nec ullum ex eo dolorem percepit æger, quoniam hi longè minores, quam quos inter aquarum usum reddidit, fuerunt. Symptomate hoc admodum molesto per duos integros annos vexatur æger, tandem usu medicamentorum liberatus est. Cessante itaque penitus mictu cruento, nil magis timuit, sed integræ sanitati restitutus sibi visus, medicamentis valedixit. At, quid sit? Augetur post illud tempus indies Stranguria, virque continuo die nocteque ad urinam reddendam stimulatur, quo malo ipse ad hunc usque diem affligitur. Urina, quæ parcissima quantitate, summoque cum dolore emittitur, crassa exit, ob pituitam viscidam admistam, quæ fundum statim petit, glutini ex farina confecto similis, tantæ tenacitatis, ut in fila quasi

quasi trahi queat. Æger interea appetitu bono gaudet, & somno quoque sufficienti utitur, nec ullibi præterea in corpore dolorem sentit.

*Consideratio Casus, ejusque circumstantiarum singularum.*

Si quis historiam morbi, quoad omnes ejus condiciones, accuratè perpendat, mecum consitebitur, eandem vix parem inter observationes Medicas agnoscere. Notatu dignissimum imprimis est, potu aquarum istarum mineralium, calculos sat insignes, in tanta copia, atque intra tam breve temporis spatium exclusos esse, a viro, uti ipse de se refert, ante aquarum usum perfectè sano, nec ullum calculi indicium unquam sentiente. Non levem hoc in animo excitare potest suspicionem, calculos non tam ab aquis propulso, quam ex croco minerali, qualem aquæ tales medicatæ in sinu gerunt, generatos potius in hoc ægro fuisse. Parum quidem huic sententiæ favere videtur tempus admodum breve tot calculorum concretioni vix idoneum, quoniam hi, paucos post dies ab inchoato aquarum potu, exclusi sunt. Non tamen existimo, quenquam faciliè definire posse, quantum temporis spatium ad calculi in corpore generationem requiratur; poterit hoc forte esse exiguum. Longè enim minus veritati consentaneum videtur, calculos istos jam tum in viis urinariis latitasse, quoniam vir ille nunquam antehac urinæ difficultatem, aut aliud calculi signum percepit. Confirmant e contrario omnes hujus casus circumstantiæ, *concretionem istam subito factam esse*. Calculi enim ipsi nullatenus asperi atque angulosi, quales alias vesicæ calculi esse solent, ob successivam spiculorum salinorum cohæsionem, sed pisorum majorum minorumque instar, rotundi, glabri, & politi observantur, quod coagulationem eorum subitaneam

bitaneam docere videtur. Color eorum luteus convenit exactè cum sedimento illo, coctione ex aquis *Pyrmontanis* extracto, cujus minimam portionem ex quatuor unciiis aquæ hujus paratam addere volui, ut tanto melius convenientia ista patefcat. Fracti calculi fibrata ejusmodi variegata interius monstrant, qualia in tophis thermarum Carolinarum deprehenduntur, quorum pariter particulam exiguam adjeci. Addidi propterea quoque calculos duos, cum aliquot frustulis contritorum, paucissimos enim tantum obtinui. Ultimo tandem loco attendi quoque meretur singularis ista circumstantia, quod maxima horum calculorum pars inter ipsum aquarum usum exclusa sit, post illud tempus vero rarissimè tales, iique longe minores prodierint. Non tamen ideo culpa hujus rei in aquas istas medicatas conjicienda erit, quasi hæ ad calculi generationem disponant, cum potius debilitati viscerum, ac pravæ digestionis adscribi debeat effectus ille extraordinarius. Nolo etiam levissimas has meditationes atque conjecturas pro veritate indubitata venditare, rem totam potius Illustrissimæ Societati Regali decidendam, ea, qua erga ipsam sum, pietate ac observantia trado.

*Dabam* Wittembergæ Saxonum,

d. vi. Jan. MDCCXXIII.